


O presente documento estará
exposto no Taboeiro de
Anuncios desta Deputación
desde o día 24/09/2026
ata a día 25/10/2026
O XEFE DA UNIDADE
PORTERÍA E VIXIANCIA

P.O.


Anuncio

ACORDO DA XUNTA DE GOBERNO DA DEPUTACIÓN PROVINCIAL DE LUGO DO 18 DE SETEMBRO DE 2026 NA QUE SE APROBA A CONVOCATORIA E BASES ESPECÍFICAS PARA A COBERTURA DE (3) PRAZAS DE CAPATAZ DE CAMIÑOS, GRUPO C, SUBGRUPO C2, DO CADRO DE PERSOAL LABORAL DA DEPUTACIÓN PROVINCIAL DE LUGO, RESERVADA Á PROMOCIÓN INTERNA VERTICAL, INCLUÍDA NA OE 2026.

A Xunta de Goberno da Deputación Provincial de Lugo, en sesión ordinaria celebrada o día 18 de setembro de 2026 adoptou, entre outros, o seguinte acordo:

"Logo de ver a proposta da Sra. Deputada Delegada da Área de Réxime Interior, Promoción do Territorio e Turismo, do seguinte teor:

PROPOSTA Á XUNTA DE GOBERNO PARA QUE APROBE A CONVOCATORIA E AS BASES ESPECÍFICAS PARA A COBERTURA DE TRES (3) PRAZAS/POSTOS, DE CAPATAZ DE CAMIÑOS DO CADRO DE PERSOAL LABORAL DA DEPUTACIÓN PROVINCIAL DE LUGO, RESERVADAS Á PROMOCIÓN INTERNA VERTICAL, INCLUÍDAS NA OE 2026.

Na Oferta de Emprego desta Entidade para o ano 2026 (BOP núm. 112, do 19.05.2026), inclúense as prazas/postos números 3406/1888, 3407/1889 e 3408/1890 denominadas Capataz camiños / Capataz camiños Nivel II do Cadro de persoal laboral, reservadas a Promoción Interna vertical.

Visto que no cadro de persoal están vacantes e dotadas 3 prazas denominadas Capataz de camiños, reservadas a promoción interna vertical.

Visto que na RPT están vacantes e dotados os postos denominados Capataz de camiños Nivel II asociados ás prazas antes mencionadas.

Constatándose a necesidade da cobertura das prazas que a continuación se relacionan, propónse á Presidencia que eleve a presente proposta á Xunta de Goberno para que segundo as facultades que lle confire o artigo 59.5 do vixente Regulamento Orgánico da Deputación Provincial de Lugo de data 30.06.2020 (publicado do BOP núm. 202, do 3.09.2020), ACORDE:

1º Aprobar a convocatoria para prover as seguintes prazas/postos, reservadas a promoción interna vertical:

OEP	NÚM. VACANTES	Nº PRAZAS	DENOMINACIÓN PRAZA/POSTO	RX	GRUPO/SUBGR	Nº POSTO
2026	3	3406 3407 3408	Capataz de camiños / Capataz de camiños Nivel II	L	C-C2	1888 1889 1890

2º Que a presente convocatoria se rexa polas bases xerais aprobadas pola Xunta de Goberno de data 10.10.2025 para os procesos selectivos para cubrir prazas de persoal funcionario e laboral, reservadas a promoción interna (vertical e/ou horizontal) na Deputación Provincial de Lugo. (BOP 238, de 16.10.2025).

3º Aprobar as bases específicas que complementarán ás bases xerais que rexerán o procedemento selectivo para cubrir 3 prazas/postos de Capataz de camiños / Capataz de camiños Nivel II, reservadas a promoción interna vertical.

4º Convocar publicamente a quen, cumprindo os requisitos enumerados nas bases xerais e específicas, desexe participar no correspondente proceso selectivo.

5º Ordenar a publicación da presente convocatoria e das bases específicas, nos boletíns oficiais e lugares que se determinen nas bases xerais.

6º Realizar cantos trámites sexan necesarios para levar a cabo o correspondente procedemento selectivo.

A Xunta de Goberno, por unanimidade acorda prestar aprobación á proposta presentada e anteriormente transcrita".

Contra o presente acordo, que pon fin a vía administrativa, poderase interpoñer con carácter potestativo, recurso de reposición, diante da Xunta de Goberno no prazo dun mes contado a partir do día seguinte o da publicación deste acordo no BOP ou ben recurso contencioso-administrativo diante do Xulgado Contencioso-Administrativo de Lugo no prazo de dous meses contados dende o día seguinte da citada publicación, sen prexuízo de que se interpoña calquera outra que se estime oportuno.

BASES ESPECÍFICAS PARA CUBRIR TRES (3) PRAZAS DE CAPATAZ DE CAMIÑOS, DO CADRO DE PERSOAL LABORAL DA DEPUTACIÓN PROVINCIAL DE LUGO, RESERVADAS Á PROMOCIÓN INTERNA VERTICAL, INCLUIDAS NA OE 2026

1. OBXECTO.

É obxecto das presentes bases específicas complementar o procedemento xeral de selección establecido nas bases xerais para acceso a prazas de persoal laboral da Deputación Provincial de Lugo, reservadas a promoción interna vertical.

2. CARACTERIZACIÓN DAS PRAZAS.

OEP	NÚM. VACANTES	Nº PRAZAS	DENOMINACIÓN PRAZA/POSTO	RX	GRUPO/SUBGR	Nº POSTO
2026	3	3406 3407 3408	Capataz de caminos / Capataz de camiños Nivel II	L	C-C2	1888 1889 1890

3. COMETIDO FUNCIONAL.

Atendendo ao réxime xurídico laboral destas prazas, o seu cometido funcional establécese conforme ao Real Decreto Lexislativo 2/2015, de 23 de outubro, polo que se aproba o texto refundido da Lei do Estatuto dos Traballadores; e no que resulte aplicable no Capítulo IV do Real Decreto Lexislativo 781/1986, do 18 de abril, polo que se aproba o Texto Refundido das disposicións legais vixentes en materia de réxime local. En conto ao contido funcional dos correspondentes postos de traballo será o sinalado na vixente Relación de Postos de Traballo ou, se é o caso, disposición que a substitúa. En ausencia dos anteriores instrumentos, os ocupantes realizarán as funcións que lles sexan atribuídas por calquera outra norma ou polo correspondente superior xerárquico.

4. REQUISITOS ESPECÍFICOS DOS ASPIRANTES.

Como complemento a base xeral 4.a), as persoas aspirantes deberán estar en posesión do título de Título de graduado en educación secundaria obrigatoria, graduado escolar, FP de 1º grao ou equivalente e posuír unha antigüidade de cando menos, dous anos de servizo activo como Persoal laboral fixo na praza de Vixilantes de Vías e obras e Obreiro, Agrupación Profesional.

Ademais deberán estar en posesión do carné de conducir tipo B.

5. PROCEDEMENTO DE SELECCIÓN. FASE DE OPOSICIÓN.

Segundo o estipulado na Base Xeral 8, o proceso consistirá na superación dos seguintes exercicios:

5.1 EXERCICIO - PRÁCTICO

Esta proba consistirá na realización dun suposto práctico relacionado coas materias do programa establecido na base específica 6 e poderá consistir na formulación de distintas preguntas-simulacións, elaborar informes ou propostas ou calquera outra actuación na que se poda comprobar as habilidades e capacidade de resolución das persoas aspirantes.

O tempo máximo para realizar o exercicio será determinado polo Tribunal.

Os exercicios poderán ser lidos pola persoa aspirante diante do Tribunal na data que este determine, podendo asistir ao devandito acto as demais persoas participantes nesta proba.

O Tribunal poderá formular preguntas sobre o contido do exercicio ou solicitar aclaracións de xeito que lle permita formar unha opinión máis precisa das habilidades profesionais de cada aspirante.

Neste exercicio valorarase a capacidade de análise e a aplicación razoada dos coñecementos teóricos a resolución dos problemas prácticos formulados.

O presente documento estará
exposto no Taboeiro de
Anuncios desta Deputación
desde o día 24/09/2026
ata a día 25/10/2026
O XEFE DA UNIDADE
PORTERÍA E VIXIANCIA P.O.
AA

A puntuación deste exercicio será de 60 puntos, sendo a puntuación mínima para superalo 30 puntos.

Este exercicio ten carácter obrigatorio e eliminatorio.

Exención de materias: ver base xeral 8.1.1.

5.2 PROBA DE GALEGO.

Consistirá na realización dunha tradución dun texto do castelán ao galego ou do galego ao castelán no tempo máximo de 45 minutos.

Estarán exentos de realizar esta proba as persoas aspirantes que acrediten posuír o nivel de galego Celga 3 ou título equivalente debidamente homologado.

Esta proba valorarase como apto ou non apto e será necesario para superalo obter o resultado de apto.

A proba terá carácter obrigatorio e eliminatorio.

6. PROGRAMA DE ACCESO PARA CUBRIR TRES (3) PRAZAS DE CAPATAZ DE CAMIÑOS, DO CADRO DE PERSOAL LABORAL DA DEPUTACIÓN PROVINCIAL DE LUGO, RESERVADAS A PROMOCIÓN INTERNA VERTICAL, INCLUÍDA NA OE 2026.

A) MATERIAS COMÚNS

1. A Constitución Española de 1978. Aspectos esenciais desta. Dereitos e deberes fundamentais dos españois.
2. A organización territorial do Estado. Distintas Administracións Públicas. A Administración do Estado. A Administración Autonómica. A Administración Local.
3. A provincia como Entidade Local. Competencias. Organización provincial con especial referencia á Deputación Provincial de Lugo.
4. O persoal ao Servizo das Corporacións Locais. Dereitos e deberes dos funcionarios ao servizo da Deputación Provincial de Lugo.

B) MATERIAS ESPECÍFICAS:

5. A provincia de Lugo. Redes de estradas existentes. Características da rede de estradas da Deputación provincial.
6. Organización e funcionamento do Servizo de Vías e obras. Funcións dun capataz do Servizo de Vías e Obras da Área de Xestión Territorial da Deputación provincial de Lugo
7. Nocións xerais de interpretación dos planos: Escalas, curvas de niveis. Planos parcelarios.
8. Conservación viaria. Vialidade. Conservación ordinaria e extraordinaria. Actividades de mellora. Actividades de uso e defensa.
9. Conservación viaria. Vialidade invernala.
10. Proxectos de estradas. Memoria. Anexos. Planos. Pregos de Condicións. Orzamentos. Servizos afectados
11. Trazado en planta. Trazado en alzado. Seccións transversais. Unidades de obra para a execución de explanadas: tipos de terreo e medios. Control de calidade.
12. Drenaxe nas estradas. Tipos e características: cunetas, taxear, etc. Medios mecánicos necesarios.
13. Obras de fábrica: tipos e características. Materiais. Medios para a súa execución. Control de calidade.
14. Tipos de tratamentos superficiais. Reparación de pavimentos asfálticos con tratamentos superficiais. Control de calidade.
15. Firmes flexibles: tipos. Materiais e medios mecánicos. Rehabilitación de firmes flexibles: Tipos. Materiais e medios. Control de calidade.
16. Sinalización vertical. Marcas viais. Sistemas de contención. Balizamento.
17. Sinalización de obras móbiles e fixas. Control de calidade.
18. Lei de Estradas de Galicia. Protección dominio público viario. Delimitación de zonas. Usos autorizables. Autorizacións. Declaración responsable
19. Explotación e vixilancia de estradas. Expedientes de explotación de estradas. Tramitación. Informes técnicos. Infraccións. Tramitación de denuncias. Sancións.
20. Desbroces. Maquinaria. Execución. Plantacións en zonas de influencia de estradas.

Lugo, 21 de setembro de 2026.- O secretario xeral, José Antonio Mourelle Cillero.

Este documento estará
exposto no Taboieiro de
Anuncios desta Deputación
desde o día 24/09/2026
ata a día 25/10/2026
O XEFE DA UNIDADE
PORTERÍA E VIXIANCIA P.P.